

浮梁縣志卷之二

建置

城垣
彼塘



街署
橋道

倉廩
營汎

養濟院
會館附

浮之邑於唐也自武德始元和徙治而後歷宋代迄元至
正通志謂舊無城豈千百年来循吏輩出智及出于光下
乎抑世遠而難稽乎方金安之治浮也以黃巢亂徙南城
據險自守開元新昌之故址依然也元和以後何湮歟夫
城之衛也治以聽政而上裕

國儲下卹羣生政本出焉而或澤不改障川無津梁非政也
若夫揆文之日無忘奮武則葦汎地以脩不虞亦長治久
安之計之所必周也况自吾邑往者有館以候之亦柔遠



意也作建置志

城垣

唐

縣治唐初在新定化鵬之鄉省而復置治新昌江口元和中徙今治歷宋述元通志云舊無城事或然也

元

至正十六年于光受為天完徐壽輝節制據有鄱東及淳十鄉築城利陽鎮十九年移築縣治二十年城成址周七百七十七丈五尺設東西南北小南五門

明

洪武初設饒州守禦千戶所巡守之尋罷日久坍塌殆盡永

樂間砌以磚石惟存東西南三門正德十三年知縣劉守愚砌水南拱極二門於小南及北故址嘉靖十九年水溢城壞知縣汪宗伊依故址重修五門顏其東曰和風南曰晏城西曰百遠北曰靜定水南曰戊己二十四年知縣阮瑄以水南門位在戊己門順震水形家言土牛奔居民不利乃塞水南門二十七年又壞知縣蕭奇勳更築增小東小北二門又訓導霍文玉請增新南門以為學宮文筆是為八門實七門也霍文玉有新南門捐地碑記

一隆慶辛未六月元初建泮橋乃廉憲曹南峰舊宅而鴈塔又其山房之後明年三月謀穴城垣而門之以鑿若人文之麗其地外有江樓內有精舍又當南峰冢器守亮之業元

初弗忍廢成業將移置他所守亮則獨出已見謂斯盛舉何靳此咫尺地遂捐所有以成美功閱月而功乃就緒構層樓於上凡儒林諸景一登樓而手覽袖拾之扁曰文明其有謂哉夫泮泮之文明聚焉乃其勝槩幸曹氏以總厥成一時所遭固若偶然而曹氏世德之昌地脉鍾毓之會似有神以司其柄謂之偶然亦不可鑄之壁間庶他日讀橋門文峰記者其有考於斯而曹氏他日雲仍簪紱之盛亦知有所本云

萬歷三十年五月大水壞城二百餘丈知縣周起元復修更顏東曰敷和南曰任興惟水南門據鄭履祥便民橋記崇正五年尚塞今開久矣其歲月無考

國朝

順治五年六月大水城壞十六年署縣事瑞州府通判劉日永置守城垛夫一百名每名工食銀七兩二錢尋裁

康熙三年知縣蕭蘊樞修築增高四尺計垛口六百六十七年四月久雨水南門傾知縣王臨元修之修後五十餘年中間繕葺不可稽維正六年知縣沈嘉徵捐俸修築嗣後遇有坍塌知縣捐廉修理列入交代

衙署

唐

初縣著名新平時在邑之北開元間始建於新昌江口名新昌天寶初易今名元和中觀風使裴勣徙今處

宋

淳熙四年縣令劉三戒重建邑人包府有記

記曰浮梁饒望邑唐開元四年建于新昌江口名新昌天寶初詔易名元和間觀風使裴戡以痼於水溢請徙高阜是為今治所皇朝建炎己酉兵興遠近騷然公庭私廨一夕焚且盡自是出政于後堂四十餘年矣淳熙乙未雲川劉公作宰剝煩櫛垢掟如影響僅及期月創學宮榘務舍館一切治辦明年丁酉耆士進曰國家中興以來郡縣毀於兵燹者悉復舊觀唯茲廳事未遑端有所待願公圖之公曰念之久矣事欲必濟民欲勿擾此志也居無何商人駕桴筏順流而下請輸材以酬稅公乃類聚羣分日累

月積既定於素乃按匠氏之籍鄉取一人旬一易三易而功就緒經始於三月乙巳越明年二月戊辰落成不陋不盈適得其平至於錢幣所儲吏胥所舍隘者闢歌者正內外斬然一新農不知役工不告勞觀者駭其神不知經營之所自也吁天下之事類成於不可不為而每壞於不必為惟通明精銳之士出而撫世其輕重先後蓋灼然於胸中圖難於易為大於細不恤於己而公是營不苟於目前而久遠是謀察衆所向一循乎情而興仆植僮易猶反手不亦賢哉公之始至也帑庾空虛常平逋欠亡慮千餘公發槓鈎考再徙月而計筭見效若其濟榘務之久乏補學宮之不足人情所咨而公捐之無靳色是誠可紀縣有壁

記尚矣於以識去來之歲月而四境之思攸繫焉事遠傳
疑則闕之聽輿誦稱首尚書蘇公而下謹登載本末於營
造梗槩之後公名三戒字戒之故樞審吳興開國公之孫
今養浩先生毗陵郡侯之子云

開禧令趙與清端平令潘材咸淳令孟陞先後修之

元

至元中縣尹萬聚復修十一年寇焚明年縣尹王文仲重建

元貞元年陞為州大德知州陳鈞皇慶知州郭郁修至正

十二年被兵燹十七年于光據州鼎建明知州李庸葺之

乙巳兵興又燬

明

洪武元年知州王文德復建徐遜記

記曰浮梁得邑名自唐天寶始舊址在縣南元和中徙於

溪北即今治所前元貞初陞為州公解益以脩國朝承兵

燹後前守嘗草創葺燬吳元年知州盱眙王侯文德實來

明年即洪武元年諗於衆曰州統鄉十都五十七里胥所

萃軍需所儲簿書所積器用所藏非公廨何以容余念茲

久誠以勞衆為疑僉曰此當為者說使忘勞侯其圖之乃

冬十月伐木於四郊陶瓦於近郭匠氏雲集役人子來首

營廳事述故址創新規踰月棟梁舉椽列桷陳又明年

春正月落成高明雄偉視昔為加左挹雙溪右環西山前

瞰塔峰後枕孔阜而位於是乎正承流宣化由此而出聽

訟斷獄於斯而集工民瞻仰疇不肅然有敬也衆謂宜刻歲月於石俾予記之

洪武三年復為縣二十四年知縣何日新重建後堂典史詹斗延乃建贊政廳

宣德元年主簿高玘構正廳知縣曾鼎建鼓樓

正德元年知縣陶誥建縣廳顏曰育正堂十四年知縣劉守愚立體國愛民坊

嘉靖二十一年知縣汪宗伊按圖復垣外侵地鼎建架閣額曰版圖閣儀門下建徵糧區十六飾譙樓前為視民如傷堂左為庫右為敬義軒堂之下左為儀仗閣右為抄卷房堂之後為軒東為版圖閣軒之後為知縣宅東為縣丞宅

為典史宅西為主簿宅堂之前為甬道為戒石亭為體國愛民坊為儀門左翼為吏戶禮承發房為吏舍右翼為兵刑工架閣房為吏舍儀門外東為申明亭為金令祠為迎賓館西為監獄外為譙樓為屏壁二十三年鼓樓火知縣楊俱重建邑人盧瓊記之

記曰縣治舊有譙門疊樓置鐘鼓挈壺司漏以授民時凡廨於內者皆藉以屏嘉靖甲辰正月火併燔申明亭金公祠而東西二向缺為孔道扞控之卒泉庫之吏倍人守之猶懼不虞是歲冬楊公肅菴泣茲土戚罔敢逸乃伐浮屠氏之木石瓦甃鍛礪鞠塹之材與夫工食之費償以己資相度拓壘其高與邃增於舊十之二不四月門亭祠垣以

成歸然民之具瞻也庠生者民請余文以紀歲月盧子曰
凡忠愛之臣職無崇卑陟謫一惟體國愛民而不以顯晦
二其心故東坡赤壁不知為紫微玉堂惟其安天下官最
令為難訟牒期會繁劇之常不足言變如災青興作雖冒
時艱有不容已故魯旱君子請修城郭為俗春秋是之惟
其宜至若超然臺放鶴亭亟乘於水旱之日而遷客文人
樂為齊得喪混貴賤以舒悲喜之氣世之士若民猶傳頌
不已惟其愛公以名進士累陞戶科都給事中夫六科諫
官也人能固守年資漫不可否事則不為銀臺必為寺卿
况公以才望居之何階之不升也坐言事忤時左遷今官
疑若不釋然者而旦夕積累惟民人痛疾噢咻之事不凌

分思不出位易曰良其止止其所安焉已耳去年邑旱大
無未麥民間日食菜蕨道殣相望公發倉萬餘石賑之不
足請於當道給公帑繼之猶不足此而興作僉曰非時公
則省用勸分而庸不及工財不及民以成茲役易曰中行
獨復以從道也宜焉已耳况公以寬簡為政惠愛為心重
學校輕徭役上下孚之遠邇安之茲役也內解以屏外望
以嚴民時以授犴狴泉庫之守以逸殆非超然放鶴之比
則傳且頌者又當何如易曰有孚惠心勿問之也愛焉已
耳落成日主賓咸登予見其勢高一邑之首外而秀峰峻
壁昌江茂林環抱羅列其雲烟縹紫晦明變幻可喜可狀
如在几鳥之下山川若有毓而未發者因撫而東望同瞻

挹程伯寓之忠節南俯金河吊辛起季之塞謗西想江湘之遠思汪明遠之才識士有登斯樓而觀感興起顧無越於古人者哉然則公之功顧不鉅哉顧其久而思思而愛者哉公諱俱雲南人丙戌進士肅菴別號也

萬歷二十二年又火知縣張聯奎改建題坊曰綱紀文章

國朝

順治三年燬於土寇康熙四年知縣蕭蘊樞鼎建大堂五間顏曰具瞻川堂一座內堂五間住房五間兩廂十間大門一座二門一座鮑一復記

記曰

今上龍飛之四年歲在乙巳淳之鄉紳士民請於一本蕭翁管

建縣治越三年戊申乃克竣工落成之餘例應勒石以傳不朽而屬記於予予惟縣城百數十里右建德左婺源北滙休祁南瞰鄱樂西北有孔阜之時昌水濛帶朝挹於東南而廳堂基址尤為高阜故代毓英賢如誌籍所登科甲元魁文章理學以及翼皇猷列鄉祀者肩摩踵繼雖山川秀靈所致要亦殖庭覺楹之雄壯有以相稱而然也然城垣諸務之不修幾二十載羣議久欲重興而前令率以他務未遑迨康熙癸卯而蕭侯涖政獨能以興廢舉墜引為己責捐俸培堦葺黌宮行署并營廡不就緒乃從僉同之謀稽興禮修舊章拮据以攻斯役日正堂衙廳庫植役舍內寢館祠以迄狴狴為椽凡數十區諸所宜有胥已煥然

聿新自茲以往不惟發號施令體統尊嚴而凭臨縱目萬拱千竒皆四周羅列矣使非蕭侯勞心焦思屢更寒暑勤樸斲而塗丹雘曷克臻此雖然是役也賞取樂輸鳩工庀材悉以值紳衿攝綱耆老監督群才群力均不可謂無助焉予愧不文然上之懋蕭侯之德而次之又以得紳衿士民之議而為之倡首故述其梗概以昭來許蕭侯諱蘊樞湖廣孝感人

康熙九年知縣王臨元於大堂左右翼建書吏房一十八間內堂左右裝書房四間東建草亭三間誠軒三間程之吉有記

誠軒記曰邑侯王石翁以高第拜令三年矣治浮而浮大

治憲司獎之士庶頌之僉謂政蹟炳麟行將書黼扆而勒
卣鼎而侯自視欬然遜而勿有也乃於內署構小軒植數
楹庭不旋馬顏之曰誠以見志邑人士咸賦詩昭美之吉
竭迂鄙之臆再四仰度似獨有得於侯之心法甚深者竊
按六經言誠自商書始易言閑邪存誠而詩蔽於駟篇一
辭意與易同實未暢言誠也春秋書渝盟誣上故絕不言
誠惟中庸出自禮記言誠者特詳三代而下經義缺有間
漢興表章六經而孔馬賈鄭諸箋注支離專固雲峰謂其
皆不識誠字迨宋儒李邦直始謂不欺為誠徐仲車又謂
不息為誠至程子始謂無妄為誠而朱子又增真實二字
誠義盡矣然總根極於周子通書曰誠者大極也五常之

本百行之源靜無而動有至正而明達性焉安焉之謂聖
復焉執焉之謂賢發微不可見克周不可窮之謂神蓋合
體用一貫安勉同歸以發揮誠蘊洵理學家切要心法而
凡為政者之宏規偉績胥緣是以出也夫吏治莫盛於漢
班范所傳君文黃朱龔卓魯召杜之屬間亦緣飾文雅而
務其末遺其本要於誠學概未有聞焉今侯澹靜無欲質
焉弗事表暴所砥礪不越躬修所勿瘁不越矜卹所研摹
整施不越經術禮讓聽決之暇晨夕誠軒中念茲在茲釋
茲在茲衾影無慚屋漏不愧周子所謂誠至易而行難果
而確無難焉者侯同志彌篤功彌邵矣由是思誠而誠立
存於心達於政外無爽內行之以忠不欺之誠也終弗渝

始居之無倦不思之誠也明作惇大根諸性競練張弛宜
於時真實無妄之誠也以視漢代循良未免略本裕末僅
可緣飾太平而侯則全誠以審幾慎幾以備德動正用和
守貴行利益深得理學心法而後敷為炳麟之政蹟異時
憲司獎士庶頌隣郡旁邑相慕倣以至大用而書黼辰者
卜金甌永昭而勒鼎卣者焜熿史當必有迴軌今茲者寧
但誠軒之顏光責浮著已哉侯諱臨元字成初石翁其別
號也山東聊城人順治辛丑進士

乾隆二十七年正月二十七日大堂燬署令馬廷珍知縣黃
繩先捐廉鼎建本年閏五月與工十二月工竣

乾隆三十八年知縣黃泌詳請借支養廉修理頭門三間二

門五間東西科房十八間二堂五間住房五間廂房四間
廚房四間

乾隆四十六年知縣程廷濟詳請借支養廉修理大堂三堂
樓房簽押房二十餘間

縣丞署

縣丞署舊在縣治之左今廢丞借住九江道署

國朝乾隆三十九年縣丞徐緯詳請借支養廉銀一百八十二
兩零將道署改建頭門一重三間大堂一重五間二堂一
重五間添建住屋三間餘屋五間頭門外左邊跨路縣丞
程尚瑚建石坊一座

典史署

典史舊署原在縣治之左久廢

國朝康熙五年典史俞謙生即縣治之右主簿廳舊址建邑人

鄭日藻有記

記曰尉之於邑固有所專司以分令長之勞其為署也亦
夾輔令長之署以臨乎下誠

朝廷體統之所繫也淳自兵燹後民力艱難重建有待尉自國

初以來率寄居民舍以治其官而邑侯正署亦莫為之夾
輔觀瞻未肅非所以昭體統也牧夫俞公以康熙四年來

居是任其忠勤愷惻為近來所未有及次年即捐己貲庀
材贍工不數月而署告成規模之倫一如舊制又其址舊

為簿署正署藉為右臂公以簿既裁而署不復建乃請於

上得建於其址焉由是侯宅於中尉翼於旁向之不肅者一旦而肅未昭者一旦而昭也夫興事勸功以奉其上民之分也今公恤舉益之難而自出其資以貸浮民當然之役其愷惻為何如耶至於觀瞻之肅體統之昭使下里愚氓咸曉然於翊輔之規而益凜然於終事急公之義其忠勤又何如耶抑聞公先導人海門公由明經起家嘗佐戎建昌及伯氏觀王公以恩蔭亦嘗佐戎建昌事上恤下皆以敦澤宣勞丕著成烈公始以率由家聲者為功於上下間耶著成之日藻華與郡人士為之落之恐數十百年之後不知是著之所由建因不知公之尉浮其為功於上下者類如斯也因援筆而為之記

乾隆四十年典史褚廷鈺重修

監獄在儀門外石房四間

土地祠在儀門外左邊金公祠側年久傾康熙十一年修

迎賓館在儀門外左康熙四年建

沈嘉徵詩禮節疎山吏嘉賓意若何協共賢者坐倒屣俊髦遇暮夜空花徑清風冷砌莎因公來僊室行看滅明多上諭亭在學宮左雍正十三年知縣沈嘉徵奉文鼎建前列三楹為門中為亭奉

上諭榜於壁後為殿仰承

天威殿址高亭數尺甃石陛及臺官員於此行禮亭址高於門亦數尺官員於此坐班及朔望日宣講

聖諭門外立下轎馬石牌沈嘉徵有落成恭紀詩

聖諭頒山色勤宜屬小臣化行庠序外訓及草茅身誦誦宜專

地經營敢後人巍亭天咫尺環檻陸嶙峋頓覺觀瞻肅尤

欣鼓舞神荒城凝瑞藹編戶坐熙春治溢華胥國歡騰水濱

王言綸綽重拱聽勿辭頻

乾隆四十九年知縣程廷濟倡建如增一進併茶房三間

御器廠建於里仁都珠山之南明洪武二年設廠制陶以供尚

方之用規制既宏迨後基益擴垣周五里許永樂間部使

祁鴻汜事至廠建堂曰東成立門四東曰熙春南曰阜安

西曰澄川北曰待詔洪熙元年建東節制度坊於南門天

順間珠峰建閣曰朝天北門廢天啟間改東門為迎曦考

以上名迹半就湮廢惟廠署規制如舊後因部使罕至

國朝康熙三十二年奉文移饒州府同知駐劄景德鎮廠署及

今部使時臨同知另創衙署

同知署康熙二十二年饒州府軍捕廳奉文移駐分防景

鎮彈壓地方因未建有廳署租賃民房於乾隆十年經前

廳張照乘詳請將景鎮舊有巡道公館改為廳署頭門三

間左右班房各三間二門三間西東科房各三間大堂

間二堂五間書房倉押房各三間三堂樓屋五間自頭門

至上房共三進乾隆四十四年間經前任朱遐齡請廉修

葺

巡檢司署

桃墅鎮巡檢司署舊在縣南五十步元遷桃墅鎮明改大
惟勒工市洪武三年巡檢馬良建九年鄭安修萬曆四十
一年知縣馬鳴起重修後移住景德鎮移建年代事由舊
志未載乾隆二十六年巡檢王朝雍重建大堂內署三十
二年巡檢陳廷益修是年又蒙 撫憲輔奏請以名實相
符改換景德鎮巡檢司字樣印信三十六年巡檢張應文
添建二堂四十五年巡檢錢汝弼詳請借支養廉修葺
公廨在廡西卽知縣行館有請改造者知縣沈嘉徵有詩
曰行館何須大心期四境安汝嫌容膝小我凜履冰寒屋
漏遮高樹垣顏補遠巖門無旋馬地未必玷朝官
布政分司在西隅中為堂有軒有後堂有東西序明正統

知縣趙應建萬曆知縣徐學聚增茶房二所其末燬址存
九江道署在西隅中為堂有軒有後堂有東西序明洪武
六年知縣夏閱建萬曆知縣徐學聚增茶房二所三十年
知縣周起元修葺燬於兵

國朝康熙間知縣蕭蘊樞重建今為縣丞署

府館在西隅制視布政分司而差小今無存

湖田公館在鎮湖田明嘉靖二十一年知縣汪宗伊毀觀
音閣為之今無存

公館在景德鎮制視府館明嘉靖二十一年知縣汪宗伊
修其末燬

國朝康熙十一年知縣王臨元因舊址改建鄉約所

九江道為巡守憲司監臨之署明初建於鎮市都成化間建於鍾秀坊嘉靖間移建於御器廠東南今無址尚存國朝順治間知縣王虞吉建尋廢今改為同知署

通判廳立於廠南明嘉靖初郡司馬范棫署廠務建懷綏堂以理民事今廢

申明亭

明洪武間知縣夏閱建舊六十所後皆廢至市其地嘉靖二十一年知縣汪宗伊復之繼又廢址存四隅亭址

國朝乾隆三年知縣沈嘉徵就東隅二畝故處建亭以示宣化之意藉為倡率至四年南鄉下長源都申明亭亦成或由是盡復前跡所厚望也

東隅一園冷鋪一所在李大欽牌坊上邊東至官街南至李地西至李地北至李地濶一丈深一丈一尺

東隅二畝申明亭一所在李家街東至李墻南至衙西至官街北至李墻濶四丈二尺深二丈八尺

東隅三畝冷鋪一所在崔家牌坊上東至街南至衙西至歲分廟北至李地濶一丈五尺深四尺

南隅一畝申明亭一所在曹家牌坊下原為鄉紳曹天祐造報恩祠今地空

南隅二畝申明亭一所在新南門內上邊東至城墻南至官街西至李輝地北至李輝地

南隅三畝申明亭一所在大南門今造營房

西隅一畝申明亭一所在趙家垣東至趙地西至官街南至趙地北至黃地

西隅二畝冷舖一所在青雲接武牌坊下邊東至官街西至唐塋南至官街北至唐地濶一丈深八尺

西隅三畝冷舖一所在通橋側東至街南至李店北至李店濶四尺二寸深七尺五寸

北隅一畝申明亭一所在城外蓮花嶺東至港西至官街南至馬頭北至朱浩地

北隅二畝申明亭一所在樑家牌坊下係空地北隅二畝申明亭一所在羅家垣東至街西南至金地北至金地

至金地

北隅四畝申明亭一所在神壇北西至閔地南至李地東至官街

北隅五畝冷舖一所在大城隍嶺東至章屋西至李塋南至官街北至李塋濶五尺深隨章屋

南鄉下長源都申明亭一所在福善菴右維正四年都人公建其地為金氏所輸非明時故址

巡警舖舊廢市其地明嘉靖二十一年知縣汪宗伊復之後又廢

後又廢

陰陽學舊廢明嘉靖二十一年知縣汪宗伊復之後又廢

醫學地占於民明嘉靖二十一年知縣汪宗伊復之今并

基無存

僧會司

道會司

鄉約所

明嘉靖知縣汪宗伊創行然無專區可考在錦里者邑人全達序

序曰先是我父母汪少泉公約民以守聖訓也而時其賞罰考核用是民胥向善於時以齒德為鄉約長者皆無敢怠厥事逮公徙任去而所謂鄉約條例漫不知所省悉曠而莫之行矣獨錦里陳氏奉之惟謹舉公所以為教者增衍推大之無亦以隱君子曰蘭軒先生者有德以孝化之有法以維持之乎先生自少以孝弟聞抱先憂之志遇間

閉告歉則罄粟賑之弗少靳更倣古社倉法率都之有力者行之以備荒年詎未能成而輟以試之於家是先生之心蓋亦仲淹公欲贍合族之食而不使有操壺歌為溝中瘠者之心也世有居邸第之榮享貝玉之富視同室無以舉火者弗動念其視先生為何如且其約也歲時月朔具衣冠酒醴會民讀之有悖逆欺凌之禁則尊卑以分相守矣有奪制之禁則無禮者不敢侮於人之側而從一以終者獲顯其操矣有侵犯之禁則先靈以妥而為子若孫咸油然而興孝思之心矣有吞佔侵害變賣投獻之禁則質產材木各安所有而無越分弗靖者矣有由賴唆使之禁則牙角之哄戩而告訐之俗息矣有偷盜之禁則雖窶饑且

死無有取非其有以自存者矣有拖欠之禁則齊民舉知終而咸輸事上之忠矣纖悉具備毫末不遺若先生之約蓋不特可行於一家一鄉而推之郡邑以及天下皆莫能外此以化民成俗者何者大道喪而約劑世固無樂乎屑屑焉以繫縛乎人然民以悍鷙之性弛繩轡之閑則所謂悖逆欺凌之事之類殆肆出而莫之禦是故禁者禁於未發也禁行於一家而一家善禁行於一鄉而一鄉善禁行於郡邑天下則郡邑天下無乎不善童子處奧室萃湖海之珍怪處女嬰珠玉於道衢而烏獲戾目不敢動非以其禁之素裕乎不此之修而恣其淪胥以溺及末流而拯之亦晚矣故夫錦里駸駸然日趨於隆古之風而無饒法賈

倫以自罹於罪戾者蓋皆涵濡乎先生之德而約束於先生之法也古有太邱表正鄉閭若先生者非其儔歟雖然禁而不善民斯為下待禁而善者凡民也有先生之約而錦里悉歸於善吾因為錦里喜不待錦里之約而亦知相率以成善俗吾獨不為天下望乎適有以先生約稿示予者故因序之於其首先先生班其名而蘭軒其號也有詩集將錄諸梓予亦請為序

國朝順治十六年覆准古來設立鄉約申明六諭原以開導愚氓從前屢行申飭恐有司視為故事應嚴行各直省地方牧民之官與父老子弟寔行講究其六諭原文本明白易曉仍據舊本講解其鄉約正副不應以土豪僕隸奸胥蠹

役充教應會合鄉人公舉六十以上經告衣頂行履無過
德業素著生員統攝若無生員即以素有德望六七十歲
以上平民統攝每遇朔望申明六諭并旌別善惡實行登
記簿冊使之其相鼓舞

乾隆元年覆准令直省督撫嚴飭地方官於各鄉里民中擇
其素行醇謹通曉文義者舉為約正不拘名數令各就所
近村鎮恭將

聖諭廣訓勤為宣講誠心開導並摘所犯律條刊布曉諭仍嚴飭
地方官及教官不時巡行講約之所實力宣諭使人人共
知倫常大義如有虛立約所視為具文者該督撫即以怠
玩廢弛題參照例議處

順治九年

欽頒六諭文

孝順父母

恭敬長上

和睦鄉里

教訓子孫

各安生理

無作非為

康熙九年頒發

上諭十六條

一敦孝弟以重人倫

一篤宗族以昭雍睦

一和鄉黨以息爭訟

一重農桑以足衣食

- 一尚節儉以惜財用
- 一隆學校以端士習
- 一黜異端以崇正學
- 一講法律以儆愚頑
- 一明禮讓以厚風俗
- 一務本業以定民志
- 一訓子弟以禁非為
- 一息誣告以全善良
- 一誠窩逃以免株連
- 一完錢糧以省催科
- 一聯保甲以彌盜賊

一解警忿以重身命

康熙十六年知縣王臨元建鄉約所二一在縣治右鄉約
李君擢朱浩督造一在景德鎮因公館舊址為之

倉廩

舊漕倉宋設鼓樓內明在溪南顯教寺址景泰四年建一百一十三廩以徵稅糧嘉靖間知縣孔儔重建有廳有門兩翼為倉二十廩地東西三十八丈南北三十六丈今無存舊豫俗倉宋設常惠倉於能仁寺寶祐令吳泳循環斂散元有義倉社倉延祐同知楊載有點義倉即事詩明洪武二十四年知縣高銘建東倉於上西部都南倉於鎮市都西倉於彭村都北倉於後溪都舉鄉之富戶司之正統六年御史薛璉奉命積穀增置坊市倉并各倉廩年久俱廢惟存坊市南倉嘉靖二十一年知縣汪宗伊乃重葺坊市南倉鼎建東西北倉於故址三十四年知縣黃森以坊市倉

在溪東不便視守移之西隅西塔廢寺地操守經有記今
逸萬曆二十九年知縣楊廷槐增新倉於旁三十三年知
縣周起元復增設十廩今為漕倉

舊水次倉在省會章江門左明萬曆知縣周起元馬鳴起先
後市地建廩有大災

國朝康熙四年燬十年知縣王臨元集議建官廳五間左右倉
廩各二十間外監店房左右各五間望江樓一座週圍高
砌磚牆以避火患其物料由本縣製成運省會監蓋舉人
李思申耆民黃世美等督造完固姚國楨有記今為鄉試
公寓

姚國楨記曰漕艘之兌糧率於省會各縣之未有水次倉
者率以舟載候兌曠日遲久則水氣薰蒸糧多泛爛官民
之賠累不可勝言浮之若是役者久矣明萬曆中浮令綿
貞周公由浮調南昌乃為浮購地建水次倉糧載抵省則
貯倉以待漕艘之兌泛爛貽累之苦免焉繼令劬思馬公
復由浮調新建更為浮購倉前地當倉之門造望江樓米
之出入於樓下以上貯而下兌者不過數十武而脚價大
減弊無所容倉之外左右各為店五間歲收其息為修理
費經畫周詳二公之去累遺安於吾浮者誠無既矣

國初燬於兵燹而前令中立婁公秉邑倉初建民心踴躍之機
并水次之倉建如舊制官民便之至乙巳而倉復災則重
建至不易矣蓋是時全書所定錢糧盡編經費而科歛之

條又為

功令所最重糧里於數年間以糶賤農傷正供不給而賑以金錢營省倉哉石翁王邑侯以庚戌之春來令吾浮其實心實政有以深喻乎人心而籌策之奇常出尋常思慮所不及於是百廢具興而壬子之夏輒以省倉之建進鄉紳士民而其議焉謂未珠薪桂鳩工匪易若因材於山資工於人各輸所有製成運之省會建置無須多也因度倉之尋丈就木邑樸斷既成編載於舟不數日而達於省較之前建事一功十由是衆心競勸不浹旬而為楹為桷之屬已咸集於舊址倏忽之間為官廳者凡五間兩翼之為廡者各十間倉前望江樓一所左右店各五間高低內外山立雲連坊市聚觀莫不駭出意外以為非鬼斧神斤不及此視先哲所營有過之無不及焉然而周馬二公以事權之適湊創之於初婁公以人心之方奮復之於繼公以拮据之無從振之於後其難易固有辨矣使非秉心塞淵而籌出尋常烏能及此哉國楨愧不文不足以發揚盛舉特使後之蒙其安而永免於累者知公之功德同於初與繼而為所難為事一功十尤異於初與繼云

漕儲倉在西隅

國朝順治八年知縣婁維嵩即豫倫倉舊址捐資創建名種儲倉邑人鮑文宏榜曰民力普存但米多倉少不能盡貯每分貯於寺觀

康熙十一年知縣王臨元增建倉廩十間官廳附

乾隆三十一年奉文每米一石加增修倉銀二釐五毫共加徵銀三十一兩九錢七分六釐二毫內以十分之三存為修倉餘七分解道存庫以備大修

乾隆三十九年知縣黃泌詳請修建漕倉未經批准四十二年知縣黃應超詳准飭將修理漕倉費銀分作十年捐廉扣還

郡城水次倉在饒州府城外南岸螺蛳嘴康熙四十九年間經鄱陽樂平德興萬年并浮梁五縣詳准本即便免將水次倉就近改設郡城河干本縣知縣謝汝梅價買鄱陽縣民人徐秀房屋并前後基地四至詳載契內價銀一百六十

康熙五十年七月也印契存縣禮房五十三年謝今丁艱將契領

卷宗并價銀列入交代詳明巡道龔以作流抵乾隆九年

七月奉糧道周栗開據吉安府蓮花廳具詳本年收運漕米暫借浮梁縣省倉應用并謂飭議是否可以估計工價捐還建倉工費到縣邑令李洊德傳集士民商議隨據紳士里民姚上進等具呈為懇存公業萬姓永賴事竊省倉於萬歷年間縣主周起元調任南昌閩邑士民派費懇代購地於省城章江門外建倉貯漕永免苦累嗣後繼任馬主鳴起亦由浮調任新建而士民復派資費求代購買倉前餘地創店收息以備修葺總計工費幾及萬金明末撥於兵燹前令婁維嵩復藉民力重建乙巳又災士民復修

大賈民力誌載可考康熙四十九年奉文漕糧改在郡城便免省倉雖屬闕空但士子赴試無資者賴以託足商民往來匱乏者藉以栖依解糧請餉投文領啓一切解公之人咸可暫寓前任張侯因郡城藝房價費懸項亦會議及變費因衆不願事遂中止今吉郡蓮花廳奉糧憲檄令暫借并飭可否估計工價捐還等因竊思此倉前侯備極綢繆士民疊次捐費不忍廢墜為此陳情蒙李主府德申詳介巡憲批准在案詳見碑記

浮邑公置饒水次漕倉碑記

署饒州府浮梁縣正堂加三級王 為循例詳請存案事緣饒郡水次倉廩歷任正署交代詳業疊據今本署縣奉

批據詳已悉仰即存案交代繳等因批縣遵奉間茲據閩邑紳士侯世俊等赴縣具呈為公輸買倉以裕

天庾懇賜轉詳立案以乘久遠事呈稱竊浮邑漕糧向來運省屯貯浮邑士民公建水次倉廩於康熙四十九年間經鄒陽樂平德興萬年并浮梁五縣詳准本郡便兌前縣謝汝梅未與士耆公議即移撥庫項銀購買饒州本郡城外南岸螺螄嘴房屋一所貯漕便兌謝任以後凡正署履任之始即動正項承買接收以致前縣張初有變賣省倉抵補饒郡倉價之議乾隆九年間蓮花廳曾經借倉估價承買比前縣李侯傳集紳民姚上進等公議當具懇存公業等事詳奉 糧憲周批浮邑里民既不願售賣未便強之使

從仰候檄知蓮花廳另為擇地建倉可也等因閭邑士民感激 憲批已動公輸之願茲逢父臺署篆諸務振興後等分係土著急公念篤自陞任沈將此倉廠交代署縣丁署縣又交代前任李復與父臺交代接受饒郡倉屋實作價銀三百六十三兩七錢存零已蒙詳明 府憲有案今後等共願照價捐銀三百六十三兩七錢有零承買此倉屋基永垂不朽此倉屋基地照依原契東至彭宅基地西至賣主本屋墻脚南至青灣北至大河並祈批賜閭邑里民以為永遠貯漕公倉費係閭邑公捐實為公便此出自後等悃忱委非勉強代冀允詳感戴靡既附懇者省城三聖廟之水次倉官廳五間左右倉廠各二十間前店房左右各五

間望江樓一座并砌有吳岸通河載在邑志原係浮邑里民公置今經閭邑里民公議欲改為浮梁鄉試會館免致租賃滋費如此則官民兩便公私永賴矣事關漕務原情呈明懇賜申詳 上憲允准立案以便勒石永垂不朽為此上呈等情呈縣隨據情詳請 府憲暨 軍二憲察核批示在案今於乾隆十年五月初一日奉 本府正堂富批漕倉價銀留為交代原未妥協據詳閭邑紳士公捐補項具見急公義舉殊屬可嘉至所請省倉留為鄉試公所亦屬以公濟公候一并詳請 糧二憲批示飭遵繳等因於乾隆十年六月初三日奉 本府票開本年五月二十三日奉 督糧道憲周批本府具詳前事奉批浮邑省倉

既係士民公建今府倉又願捐買急公好義實屬可嘉所
 有省次間倉如詳改為鄉試公館即飭勒碑以垂永久仍
 取具碑摹呈送備案餘已悉繳等因又奉 分巡道憲李
 批收漕候免定需倉貯從前五縣既經改歸饒州便免則
 省倉均屬虛設早應詳明移建饒州水次始為妥協乃前
 令謝汝梅等始則租賃舊房繼乃墊項契買民業以作倉
 屋雖交代流抵歷經詳明有案但輾轉葛藤終屬那移苟
 且殊非經久之計今據詳士民侯世俊等呈請願將饒城
 倉價照依交代數目繳出以抵公款仍作士民公置更請
 省城公建倉屋仍還伊等為該邑鄉試公所既有交代無
 許周折亦於該縣士民有益誠屬以公濟公最為善舉仰

即轉飭照議遵行並飭勒石縣前及府次漕倉取具碑摹
 送查至所有契券飭即存縣備案每年歲修著落印官捐
 脩均不得派累致干重究仍候 糧道批示繳等因又奉
 本府軍憲 張批據詳浮邑士民急公捐資辦理省郡二
 倉均屬義舉殊可嘉尚仰候 本府批示核轉繳等因又
 奉 署本府糧憲楊批候 府憲暨 軍憲批示繳等因
 奉 各憲批行到縣奉此合即遵照勒石以垂不朽

全文見省
館公翰錄

告

大清乾隆十年歲次乙丑六月

日署縣事本縣縣丞王

琰典史宗世芳閩邑糧里侯世俊金夢熊姚上進汪尚義

項景衍吳毓偉陳琳方天錫錢啟李德章朱武代鮑
 孔璉吳李遜鮑孔登林士纘吳登廊王應祥鄭鹿鳴鄧元
 璜江世華吳郊迎傅文九程熊汪文揚侯震堉王應兆
 金民相朱歲鮑其璉王賢相程子鏜江廷棟胡光德鮑
 師曷蔣文元等立

社倉

國朝雍正二年奉文設本縣凡六處四隅東鄉社倉在本城
 漕倉西邊南鄉社倉在本鄉黃泥頭西鄉社倉在本城漕
 倉西邊上北鄉社倉一在本鄉流口村一在西里都下北
 鄉社倉在本城漕倉東邊乾隆三十一年奉文建造城
 鄉適中之所社倉十三處其貯社穀五千四百五十九石

四斗一升七合七勺

一在城西隅地方社倉一所在漕倉內共貯社谷七百四十五石六斗一升三合九勺

一在東鄉獲口都地方社倉一所在約所內共貯社穀貳百九十五石八斗五升六合

一福義都地方社倉一所在普樂巷內共貯社穀四百五十八石八斗一升六合九勺

一仁壽都地方社倉一所在紫葦巷內共貯社穀貳百六十一石零四升九合二勺

一南鄉安田都地方社倉一所在黃泥頭共貯社穀四百七十五石二斗八升五合九勺

一里仁都地方社倉一所在翠雲寺內共貯社谷六百一十石八斗四升二合一勺

一長山都地方社倉一所在舍人廟內共貯社穀一百三十二石七斗五升三合九勺

一西鄉夏連都地方社倉一所在三官堂內共貯社穀四百六十石九斗八升八合一勺

一彭村都地方社倉一所在三龍村內共貯社谷三百七十五石一合七勺

一黃壇都地方社倉一所在重興寺內共貯社穀四百三十六石三斗二合二勺

一北鄉後溪都地方社倉一所在西林寺內共貯社穀五

百三十二石八斗二合一勺

一廷奉都地方社倉一所在祝聖寺內共貯社谷四百六十八石五斗八升四合二勺

一儒林都地方社倉一所在興福寺內共貯社谷二百五石五斗二升一合五勺

養濟院在西門外田西關明洪武六年知縣周郁建後徙教場右曠野冬寒孤貧苦之嘉靖二十一年知縣汪宗伊乃復故址東西二十四丈南北十五丈七尺五寸三十四年風雨傾壞知縣黃森重建

惠民藥局元在縣市心今無攷

廣濟堂在景德鎮

綱雅云八年知縣沈嘉徵以景德鎮五方雜處無告者多失
所因設廣濟堂將地藏菴改為堂舍竭資倡聞於大吏
並許可捐助邑紳士商民咸欲馬買有田地山塘并置屋
倉藥室牛具器皿俱全另紀細數於石大中丞謝旻有記
記曰景德江右一巨鎮也隸於浮邑業陶制器利用遍於
天下四方遠近挾其技能以食力者趨走如鶩顧有壯鬻
其技而垂老無依者有偶嬰疾病力不能勝虺羸疲困流
離失所者其地偏其人稠其商賈率皆僦居遂末錙銖計
較遇老病者不能執業輒屏棄之雖平時曾資其力亦莫
之或恤嗟此窮黎故土既已無歸異鄉又無托足老而病
病而死此固惠政之所必先而亦鎮之人士所亟宜動念

者也今

聖天子軫恤民艱

詔所司於通都大邑人民輻輳之區倣京師普濟堂之設咸
令構寧宇以處老病之顛連無告者南昌省會已建有堂
亦名普濟官置義田動支帑項凡飲食臥具醫藥之需衣
食棺槨之宜豫備者歲取其租入以資養贍委員董治其
事核實以報老者幾人病者幾人月有稽歲有考米鹽瑣
屑莫不登記以無俾虛冒時其冷暖察其饑飽掃滌其穢
汚堂內傭作之人日執其勞勤勤罔懈有病而獲瘳老而
無恙者幸藉

聖以遂其餘生此南昌之所以為諸郡先也景德雖邑之一

隅東介新安南通閩浙江湖交匯吳楚往來帆檣泊集人戶填溢實與省會埒浮令沈君仰體

聖發政施仁哀此莞獨至意創興是堂兼擇地設漏澤園俾不幸溘逝者魂魄皆得所依不致鬱為沴氣蒸成痲癘甚盛典也乃邑大夫倡之而鎮之人士復樂助其成奉使節而駐於鎮以及賈於斯而商於外者咸踴躍捐輸無稍倦從此老疾有養生死無憾耳不聞愁苦啾唧之聲目不覩罷癯羸瘵之狀民氣和樂用臻仁壽誠足表

聖太平之治而大有造於鎮也因與省之大吏共捐薄俸名其堂曰廣濟而記之以文其堂內應行規則一循南昌普濟堂故事列其條榜於堂之左尤願好義者之接踵樂輸

多多益善使斯堂之永久以勿廢也

漏澤園宋在溪東雲峰寺側官地嘉熙令趙汝著見枯骨為塔於園以瘞元廢明移置溪東及社壇前今仍之

義塚在景德鎮馬鞍山明嘉靖知縣朱景賢創邑人劉文瑞劉濮程秀得地之半咸輸於官載錄有記後因係鎮市都主山多葬恐傷地脈遂禁止記亦逸

佛菴陂

龍潭陂

石填陂

大塘陂

余章陂

豐慶陂義合都

新陂

青陂

橋陂新田都

大慶陂

郎陂

胡陂

墩陂

麻陂勤義都

官陂

桑陂

石馬陂興義都

南鄉

青塘陂照溪都

車陂

沐塘陂

邱村陂

洛陂上長源都

湧陂

碓陂

籍陂

新陂

寺前陂

大溪陂又名昇平堰

歷降陂下長源都

圳陂又名賢五公陂

大橋陂

杏木陂

板橋陂

石井陂南村都

石陂長山都

蘆陂

留石陂

大泉陂

安陂

汪洪陂辛合都

行路陂常尚都

長流陂

楓林陂

同台陂

小花陂 歷降都

一字陂

邊山陂

鷹心陂

石陂

陳章陂

流絲陂

絲麻陂

鎮市

夏大陂

水碓陂

鹿脛陂

水龍陂

楓林陂

新陂

路陂

古城陂

板橋陂

里仁都

余村陂

長壽都

土山陂

湖田都

西鄉

甯家陂

分小坑港水穴山為渠以資灌溉明正德四年饒州推官顧應祥浚之獲殘碑知為蕭梁太平時所鑿事詳顧應詳記

記曰湖田都壤地二千畝有奇環山背水道東有豪猪嶺其水北汪名小坑港在昔築陂港分水使之西鑿嶺麓為石渠引而行之資灌溉之利是為甯家陂歲久渠塞利

日寢微遇旱輒不毛民嗷嗷無所措司土者因循簿書未暇及此予正德戊辰至饒己巳旱魃為災雲禱弗應監司

檄予視之訪其故謀於有眾遂計田出稅分五甲遴有

...

才識者董之授以疏導之法而假其督作之權閏三月功成明年庚午復旱陂以築故獨無恙予按縣故省之將因之為永久之規見石渠洞開源流迸發放而達諸清池之間井井如也渠穿地半里許中空可丈餘石刻云太平年端午日鑿餘剝落莫可識夫築陂蓄水在處皆然莫如穴山為渠者則難非神工鬼斧何以致此無乃造化者設是以濟民而直假手於斯人耶宜廟食於茲可也惜乎不見志乘遂至湮泯噫前人作之而後人忘之安知今日浚之而後日不復塞之耶如其復塞也則前人之功終於弗傳顧是碑不可無也已考石渠為梁敬帝時所鑿迄今已九百餘年是則有惠人之功者天固不使之終泯也仍則所

刻石題之為太平陂云

蘇陂

長陂

小陂

梅陂

官陂

楓林陂

烏陂 下梅田都

張師陂

詹村陂

桐林陂 魚步都

楊水陂

桑木陂

新剝陂

移築陂 上義都

董村陂 彭村都

大禾陂

官陂

大兒陂

鐵爐陂

青山陂

仕材陂 下連都

貴湖陂

楊陂

里師陂

長林陂

神仙陂

小橋陂

水坑陂 星槎都

宗陂

黃泥陂

洪村陂

柘林陂

鴨兒陂

副陂

長陂

石陂 居仁都

楊塢陂

大塘陂

蘆陂 上盧田都

金什陂

陳師陂

匣山陂

張子陂 益源都

葛閣陂 上梅田都

無名陂

學田陂 下盧田都

柳公陂

下思陂

中到陂

石蒼陂 黃壇都

葉村陂 興禮都

吳思陂

洪思陂

麥稈陂

閔坑陂

小濟陂 黃壇都

曹家陂 黃壇都

苦竹陂 下連都

北鄉

大田陂

楊水陂

雙坑陂 三里都

小坑陂

仕隱陂

沈金陂

井陂 法京都

鵝兒陂

陳村陂

學田陂

黃山陂

官路陂

宋陂

牛塢陂

狀元陂 西里都

隱山陂

查木陂

譚山陂

新陂

趙乾陂

儲田陂

林田陂

店陂

青陂

柱陂 騰鳳都

瓦窰陂

和尚陂

桑園陂

大沙陂

詹村陂

水陂

松樹陂

楊樹陂

古路陂

張隆陂

辛合陂

馬兒陂

提胡陂

黃泥陂

行者陂

楊陂

茅橋陂

塞山陂

西坑陂

青石陂

樟木陂 大推都

高陂

葉村陂

郎台陂

楊仕陂

藩村陂

汪村陂 梓舟都

鏡陂

塘車陂

胡三陂 興福都

亢洪陂 引京都

芳草陂

吳平陂

車陂

石斛陂

水車陂

長潭陂

高塘陂

柳木陂

澆陂

高車陂 長安都

大惟陂

泉坑陂

柳塘陂

釣潭陂 杭溪都施氏建通舟

雙溪陂 西里都

港口塘 隴源都

當口塘

水晶塘

寒家塘 豐田都

藕塘 里仁都

瓷石塘

查村塘 西里都

蓮荷塘今為學塘即北湖縣治東北元辰水也舊名柳溪駕

鰲覽五水注其中水漲時每東傾入河宋景祐間州守范

天正仲淹築堤障水濬其中多植荷花建水濟亭於堤上

且鑿塘引水繞琵琶洲入城經錦繡街通駟橋至學宮前為泮水過鵲橋至龍船尾入大河蓋以制火災以浚泮源廣積四十七畝九分後為汪樞密澈別墅有湖山堂醒心亭在琵琶洲歲入民占明嘉靖中知縣汪宗伊清復之二十七年知縣阮堂築壕塙邑人戴錄有記

戴錄記曰金陵鳳墩阮侯之為吾邑三載水築百度堵立惟北湖堤久潰未築今年夏邑耆衆進大築狀侯曰近稽成化乙未至嘉靖戊戌時未百年而役凡三舉何此水若是乎難振也又躬親諦視盡得其狀進耆衆諭之曰昔之築有三不可及而求三可得非策耶昔之築以砂夫水砂一家也砂得水而益情一過罅隙奈何弗潰今勿砂其以

土 國朝徐有貞治河疏塞相為用今觀五水東注者性也強而南之枉其性矣西岸復高則水西畏而往東徇其性也昔之築有塞無疏一遇衝漲奈何弗潰今惟刪其西以塞諸東且浚坑以為之戶則水意自西而南矣昔之築以民之財而守以湖之佃因而空者無補損者無培漸次湍落奈何弗潰今吾將以是築遂以是守乃精覈原業主逃年利若干佃佃主利若干三分之俾各出十之三召舊訓術戴 義民閔顛祖提策協督不斂於民仍以業佃出督官不知也匠以民邑之工不知也夫以傭邑之民不知也肇戊申孟夏竣於季夏往二十丈廣十丈高殺廣之一於是民忻忻夾道聚觀錄借二三岸友亦往觀焉乃業佃

歌曰白雲澗澗湖水冷冷有蓮在渚有鯉在河一艇烟雨
半畝畦町錄聞而莞爾笑曰茲惟知有湖焉爾湖之外彼
不知也既而民歌曰廉貞而擊突兀熖生漫然無制朱准
為擄今坎克離比櫛永輯錄曰茲可謂出湖而知有邑矣
然猶未也徐徐二三友微歌曰泮壁紆縈源遠流盛靈襟
斯洗絃誦斯清天然活潑道體自呈錄聞此悚然歎曰美
哉侯成湖殆深有裨於風教矣然猶有大焉者不在茲也
蓋吾邑主山來自孔阜三軌蕩之而出於薇垣為縣治焉
按堪輿虎宜降令反崇五馬山諸水迤盧刺坑而逆朝焉
龍宜翔今反姜鴛鴦覽五水望永濟亭而東傾矣迨鷓鴣
上下始見活流則配盧刺坑而共為交城者果何水乎正

東腋氣太洩外脉不橫內堂弗正龍枯壯散其難恃為邑
故當時挽回五水堤而南之鑿坑引之使與盧刺活流對
成北牡因接永濟陽砂呼與西山松桂山相峙斯之為內
堂週又大河一自西而南一自北而南墩鬚包絡斯之謂
外堂乃侯今日堤湖非成湖也乃所以成邑也而彼三歌
者奚足計瑣瑣哉已而衆謀琢石鐫功二三友涂鴻漸閱
一夔朱子忠王化中方自新戴錫戴時觀等遂謂錄可記
輒屬之記錄曰侯所以造福吾邑更有鉅焉者而奚啻碑
此也哉歎惟歷代水利非專官不治伯益為虞掌山澤周
禮中出為川師從古儒而諳有司惟宗程伯子於上元朱
考亭於湖東息決堤起溪堰僅僅有見然孰如侯不出湖

而湖成遂若湖築湖他日經濟大畧不即是可印見哉若謂更有鉅焉者自有他日德政去思二碑而峴山穹壑特紀涉嶠豈所以盡羊牯哉雖然南國頌德止及循行而當時羨德一歌竟繫千載甘棠之思孰謂觀風者又不因是

可以印見侯哉庸文前後語昇而勒諸石且告嗣政君子俾知所以保此成焉是為記嘉靖廿七年歲在戊申夏五月吉

三十七年知縣蕭奇勳約直於官以歸儒學黃御史為有碑記

黃喬記曰予邑主山孔阜朝山展誥大星堪輿謂大無制則生齒日瘁學峙隅西洋源弗浚則人文弗著宋景祐間范文正公知饒州時乃於邑北鑿池四十餘畝曰蓮荷塘制火以奠民居浚泮以闡文明厥功溥矣相傳至今塘內不可舟舟則火熾不可鼓鼓則疫行不可漬而涸涸則士淹歷年以來其應如響故士民於是塘也若命脈焉相為利害惟恐無以固之之是懼先是侵削於民少泉汪侯清之圯於水鳳墩阮侯築之雖得復故規然亦未有思為永久計而求光前善後之圖者嘉靖丁巳秋燕山蕭公以名進士來莅吾浮事專大體政尚精明閱月百務悉舉士民頌興邁者新敬一四箴亭以崇訓增學舍觀光樓以居業飾名宦鄉賢祠以彰德重教化也居恒以是塘後蹈前轍與士民興利之心惟恐無以卒其願戊午適興大工例官

產悉召民承買以其價濟焉邑博少鶴陳君聞而喜曰欲為永久之定制而嚴其防於侵奪之民者燕山公之志也業於民則為私家所有非惟前人偉績不可復振抑滋後日侵奪之患無洋且無學民日瘁且無邑矣謀於鳳岡周君誠齊鄭君以及邑士因以告於燕山公教其公於學俾世世無患公曰此余夙心也即日召業者丈其數各捐已俸納之官且以其租餽於學以贖貧士而出入有稽請於上臺諸公會義其舉而嘉之督學敬所王公且命勒石紀之示永而是塘永為學塘矣又恐秋冬水涸則洋易竭春夏水漲則堤易傾復於下流立石閘時其啟閉以滿洩焉何莫非公精明之識定於先而順施之宜周於外者為之

乎予邑士與少鶴陳君輩來命余記余曰事有曠百世而相感作於前者若有待於後繼諸後者若有光於前此無他惟其心之同道之合焉耳心一則道同創於文正公者若有待於公而其制久承於公者質諸文正公而益顯謂非道之相合不可也公與文正公之功當與是道同悠久矣然余抑有說焉塘創於宋景德載稽天聖景祐以後如金公鼎臣汝臣臧公幾道論道伯仲以同科顯程公瑞彭公汝礪朱公貌孫各以魁元顯李公椿年程公筠臧公渾各以勲名顯朱天錫金志寧吳天澤各以童科顯宋稱吾邑多人才者未嘗不多文正公之功自是洋源益浚人文益盛將來頌公之功者視昔日多文正公之功又何如耶

余制中不文久矣敢紀其實以誌歲月

國朝康熙三十七年知縣程鯤化重濬邑人詹槐芬記之

記曰北湖蓮荷塘縣治元辰水所蓄也水出鴛鴦五覽向永濟亭東傾故當時建縣者堤永濟鑿市坑而導之西南至龍船尾入大河與盧刺橋配成牝牡所謂引元辰水上堂以包絡縣治環繞黌宮制一邑火星通洋池秀水者也粵自宋景德間范文正公行縣鑿塘四十餘畝規模始具嗣是士民樂業科甲蟬聯理學夙慧忠孝節義之士接踵於世蓋一邑士民之元氣命脈咸繫於此然業為民有則興毀不時祇增修築勞耳明嘉靖間燕山蕭公貢歸學校遂名曰學塘用垂永久以彰前人之績維茲後人又莫忍

聽其壅滯涸竭而不務為之開濬以無忘燕山公之志哉乃竟闕其事以有待蓋自明末以來余邑屢遭兵燹民居公廨蕩析無餘城市闕廂元氣未復官地之侵牟者既久而學塘之圯於水塞於淤者匪伊朝夕也而塘戶復蔣莖草以罔重利滿目萑蕪灾被時有民生日瘁人文弗彰亦何怪其然耶今得程父母奉

命來涖吾浮廉明仁愛嘉惠士民出堂俸以新縣治修繕城垣優禮學校百務悉舉浚清景鎮官地租稅為歲科賞格永為定制政事之暇覽形勝度利害而有見於邑之學塘與邑之士民相關其先務尤莫急於此也毅然以修濬是任捐俸為之倡俾邑博王公李公董其事而邑之人士懽

故鼓舞樂助輸工始事於八月既望凡四閱月而畢祀者以修淤者以濬草之塞者以開而泮水之源益浚矣公之德澤不亦偉哉余邑人僉命余言以記余惟事無關於一邑之災祥者則亦聽其自為瀦涸耳若夫有當於士氣民風瀦則神王涸則氣衰若茲之學塘也為泮水之源其當浚者一為縣治元辰水所蓄其當浚者二為前人偉績之所留遺其當浚者三而且職掌於學則輸於士不擾於民又皆其勢之便於浚者也若公者可謂知所先務矣揆諸前人創建之意修築之勞與夫一切措置之宜善後之計何先後一轍歟用是為余邑之士民幸因不揣固陋而為之記公諱鯤化號南洲福建興化府莆田縣人康熙甲子

科舉人

手擘畫固底於績侯一旦怒然下令捐俸湊成之不斂民間一錢有一二樂助如耆民閔尚文捨石則聽之是役也經始於四月落成於十月橋高二丈今增丈許表廣如之鴈齒躡雲欄以緝石踔鷓柱水撐以鐵牛於以擊鼉伐蛟不詫鞭石之奇已具濟川之利而士民未嘗知有興作焉度橋之東兀而敷者仍顯教故址創寺數椽以白衣大士像鎮之示保赤之意寺去山川壇不數武而近取蕭祭脂裡祀境內以厭暎潦則圭壁於此乎瘞馬橋之南半里許夷而達者作亭其上以勞勞行人境內之肩摩穀擊揮汗聯袂者於此乎憇焉允矣其便民也橋成士民立石以志侯德而難其名侯曰噫便民是也則猶循古也無己以鼎

成二字冠之易曰革物者莫若鼎故受之以鼎詩曰適求厥寧通觀厥成斯其志乎民於是拜手颺言曰於都哉鼎之義乎侯不塞水南門不知改濟之便也侯不改濟不知築橋之便也侯不改濟不築橋不知修學興文之便也何以明之往者水南門土牛奔居相土不利今一革而擊楫上流碧潭游波氣脈滌旋以固其宇往者南城古渡柳色萋迷間無行李今一革而蕩為周道冠蓋賁相望於境上以通其兌往者橋圯岸嚙水不朝宗今識以玉帶金鉤環映壁池科名漸振門下士會翩聯而鵲起其一以符其識而為之兆凡此者皆革而用幾以底於成民觀厥成咸恬然習於其便而若未嘗知不幾於無為而成乎允矣侯之

鼎成也獨橋也歟哉夫單子見心星知陳川之不梁薛宣
 召辰角憂彭城之病涉納清之恥古今所同至如蔡侯前
 碣所稱引宋蔡忠惠公襄萬安橋事精誠動乎天地福澤
 篤乎子姓噫夫有誕受之者矣忠惠侯鄉人而守侯郡者
 也取侯鄉事以歌頌侯今日明德可乎侯閩之晉江人諱
 元初號幼心龍飛首科進士

西隅通駟橋 宋嘉祐壬寅胡壽興建

步雲橋 在戊己門外舊曰盧利橋知縣謝汝梅改今名詳名蹟折桂亭

楊水橋 姚悅祖重建

北郭土壠橋

上西部都青龍橋 宋徽相之建

鐵柱橋 在城灣里人臧洪範鐵柱十二架木為橋後缺柱壞明邑人戴弁重砌石橋名寧濟張侍讀益記之

張益寧濟橋記畧云橋所以濟不通有壞必葺然而大小
 不同功力之用難易實殊成其所難而所濟者為甚廣厥
 事宜書浮梁東五十里有地曰城灣當欽孔道慈溪經焉
 民堰水以灌田湍流峻急涉者病之里人臧洪嘗範鐵為
 柱凡十有二架木成橋人獲利涉宋末廢於兵燹元道士
 江仁友復募貲重造士儀載教授之曾祖克贊成之國朝
 燬於火正統丙寅春士儀從其兄士章奉政暨弟士端士
 正同展先墓於新田之麓道出其地思成先志乃議橋之
 再壞鐵柱無一在者非久遠計因累石為壩以代之豁澗
 十有二丈中為三壩壩高丈有八尺其從如之橫則殺後

三分之一傍有兩堤各刻其上以殺水勢架木十板為屋十有二楹以憩行者橋初在東今徙於其西百五十步舊名鐵柱今曰寧濟蓋以橋成當國家寧謐之時而人得以

勸義都咸慶橋

錦溪水口乾隆十六年建

福義都白馬橋

隴漁都大通橋 明景泰中戴甫建

獲口都永濟橋

康熙九年建

鐵鎖橋

上京山上首末建有碑

堀屏橋

在午家巷雍正間邑人詹文超倡建

新田都獅子橋

巨濟橋

雞溪都臧村橋

雲津橋

下義合都白虎橋

宏濟橋 在黃泥頭康熙十年建

下長源都黃金橋

廣恩橋 在遠元康熙庚子年

田西塆李大定建

下義合都雙鳳橋 吳從至倡建

常尚都和濟橋

在郎樹

永濟橋

在柳家塆之下乾隆二年北湖朱祖恩建

歷降都鯉魚橋

辛合都水壠橋

里仁都彌陀橋

里人吳思道以巨石一片為之

金花橋 里人饒汝王建兩勝亭其上

十八間橋

青雲橋

通濟橋 明正德間里民朱亨重建其上今創有福慧寺

長鄉都平水橋

廣濟橋 上有香光菴

鎮市都拱宸橋 明正統里人劉士讓建

落馬橋

上義都桂坑橋 宋迪功郎查湮建

雙板橋 宋淳熙間查文昇建周志作雙眼橋

磨婆橋 里婦詹氏建

思親橋 里婦查氏建又名仙橋

魚步都通惠橋 在羅家灘

貽德橋 趙廷珪建

普濟橋

星棧都桂湖橋

程湖橋 吳廷俊重修

下蘆田都洗馬橋 善人橋

居仁都南溪橋

上梅田都喝盈橋

新橋

下梅田都克承橋 康熙間里人李光朝倡建

洛溪都通濟橋 在洛溪口

新濟橋 在彭車舖

雙聯橋 全文會建

益源都青山橋

秋溪橋

三里都永定橋 在磨刀港邑人李日乾建

儒林都濯纓橋 其北有文昌塔為一都鎮明萬曆戊子建

估口都夾鏡橋 全園榮建

引京都七星橋

三陽橋 全文會建

侈溪都隱山橋

騰鳳都化龍橋

官橋

儲田橋

相思橋

騰溪橋

太平橋

興福都瑯臺橋

得勝橋

韓世清敗叛將執海於此故名

文昌橋 在陳村

鷺嘴橋 節婦陳程氏建

長寧都濟惠橋

登雲橋

杭溪都紫觀橋

鴉橋 里人施氏建

大惟都高坑橋

西里都朱紫橋

通濟橋 在官溪康熙間桃登汪逢順倡建

城門都雲端橋

在式溪康熙五十四年里程肇禮建吳賓興有記

吳賓興雲端橋記龍溪會錦之水左岡右阜道出其間而病於無橋惟岡有竹木蔚然深秀其阜為村落棟宇連雲郡諸生文中程君實家馬君仁心為質善氣迎人其濟則拯溺素所樹之者然也擬為祥雲為瑞日誠哉有明道先

生遺範乎今年冬予歸里至錦城偕兄慨如遊澤畔見有石道如虹倚岡阜而橫於龍溪之上者則程君所建雲端橋也雲端者以程君故名也夫存心愛物者於人必有所濟於人有所濟者於天必有所受君謨萬安謂橋細故乎哉是溪也雖非若漢之廣江之永而方不可涑又不可自擔夫販豎以至販賈經商引重致遠者或阻狂瀾或畏堅冰或踣頓於崖岬或偃蹇於渾滑君心惻久矣絲是鳩工伐石破千金以成不朽功甫竣而驩歌載道謂砥狂瀾而漸磐也謂脫堅冰而挾纊也且謂易危岨而康莊之出深澤而裨席之也德莫厚焉福莫隆焉紹明道之統以食君謨之報其在斯乎其在斯乎宜銘貞珉用垂永久適徵記

於予因為述其大略如此 信義橋 津口下關乾隆壬寅
汪復書等倡建有碑

梓舟都啟秀橋 在桃墅康熙間里人汪氏建

東隅青峰渡 置船二

南隅南門渡 置船二

雲峰渡 置船一

西隅水南渡 置船二

北隅金五渡 置船一

隴源都方村渡 置船一

樵溪都高砂渡 置船一 吳從至建

下義合都白牛渡 置船一

安田都南溪渡 置船一

里仁都老鴉渡 置船一

李施渡 置船一

建陽渡 置船一

明山渡 置船一

中秀渡 置船一

崇建渡 置船一

長鄉都市阜渡 置船一

河西渡 置船一

官莊渡 置船一

雙溪渡 置船一

湖田都鉢盂渡 置船一

張家渡 置船一

鎮市都小港渡 置船一

寶山渡 置船一

上義都金什渡 置船一

魚步都大演渡 置船一

彭村都三龍渡 置船一

上蘆田都石溪港渡 置船一

洛溪都彭車渡 置船一

益源都建師港渡 置船一

龍潭渡 置船一

後溪都沂溪渡 置船一

城門都黃金渡 置船一

方漂渡 置船一

城門渡 置船一

桐林渡 置船一

法京都花石渡 置船一

曲潭渡 置船一

浮橋渡 置船一

渾潭渡 置船一

信口都石溪渡 置船二

大淮都勒工渡 置船一

嚮器毡盔布甲銃挨牌長槍短槍斬馬刀鈎刀腰刀弓箭
弩箭火箭射的爬鑊骨躲鐵鞭聯棍鐵菱角俱兵自備嘉
靖三十六年知縣黃森添造長槍二百把佛郎機銃一百
把鋼了二百把腰刀二百把斬馬刀一百把爬頭一百把
包以皮貯庫萬歷間通判賈希顏盡發所貯作工食給散
康熙二年設浮梁營駐防浮梁縣舊志云經制守備一員把
總一員額兵二百五十名內守兵一百二十五名戰兵一
百二十五名馬二步八通志云原額經制官二員馬步戰
守兵丁二百名除康熙二十四年奉裁外見設守備一自
把總一員馬戰兵二十名步戰兵三十三名守兵一百四
十名各官自備征馬六匹兵戰馬二十匹雍正七年增外

委把總一員九年守備改都司一員

都司署在儒學右即守備署康熙四年知縣蕭蘊樞建其正
廳地係買洪氏業後宅即儒學訓導署舊址又有營房六
十間住兵自乾隆三十六年都司吳進功詳請公項修葺
大堂并兩旁軍裝庫局

把總衙門在景德鎮馬鞍山西郊

浮梁演武廳在老南門內

四鄉塘汛東曰程村汛東埠汛南曰鯉魚橋汛柳家灣汛桃
紅坑汛景德鎮汛西曰洗馬橋汛舍埠汛北曰石鼓灘汛
乞兒灘汛桐林寺汛鎮埠汛蛇兒坑汛

舊演武廳在田西關外中為廳旁各一間東為臺門東西四

佑私將館門左旁浮店二間盜賣與安義縣黃英文得價銀四十二兩亦經中陳孔朝自願將原契退還浮梁管業查館門左右原店十間除黃英文退還二間尚有八間係新城縣進士陳道佔踞貢生曹維新等疊控在案旋蒙新建縣主盛名綱為宦佔官業等事申詳

江西布政司湯隨蒙駁飭憲票內開據饒州府詳浮梁縣恩貢生曹維新控告新城縣進士陳道踞佔浮梁縣公館店屋一案查浮邑原建有漕倉在於省會章江門左首倉之左右各造有店房五間收租為修倉之費誌書案卷歷歷可攷嗣於康熙五十年浮邑漕倉改於郡城便兌即在郡城另建漕倉省倉空閒浮邑紳士里民請將省會漕倉

改為鄉試公館詳奉

二道批允迨於乾隆十九年貢生曹維新等興工改造清查店屋始知原店十間為陳道佔踞八間收租管業屢向理論不過始行上控批令饒州府查案報該府縣因無曹維新控告陳道佔踞之案無憑查詳請飭新建就近訊明詳結等情到司據此查浮邑漕倉左右原有店房各五間誌載歲收其息為修理費且有歷年案卷可攷并現據浮邑紳士里民具有甘結並無典賣別情其店為浮邑公業自無疑義惟查上年十月內據陳道之子陳守詒具訴抄粘買契其店係買自朱西佩何堯章等之業但浮邑漕倉公業新邑朱新佩等何以擅行售賣陳道近居省會

不查來歷即行購買合將各案卷一并飭發查訊為此案仰該縣即將發來各案卷傳集陳道及賣主朱西佩等秉公訊明確切定議詳候核結毋得稍有瞻徇違延速須票計發誌書一本原卷五宗碑摹一道告示一張饒州府詳冊二本呈詞二張等因到縣新建縣主遵即傳齊兩造訊詳本年八月初二日奉

藩憲 批倉前店屋為浮梁公業誌案昭然陳道豈不查訪竟爾契買且身列縉紳不遵

功令白契蓋印官民均屬違例本案倉屋愈顯暗圖佔踞情弊未便如詳迴護斷結仰即查照定例按律分別擬追并查取違例蓋印侵稅職名詳候核奏繳等因到縣旋沐新

建縣主遵即差喚陳道訊明查照定例議詳陳道白契蓋印即係漏稅本應按律擬答但念契紙係伊父遺留非彼經手請印且事在

認

以前應請免議惟彼身列進士非小民無知可比若僅追半價入官不足以示懲儆應請全追兩契價值二百五十二兩解庫充公其店房八間飭交曹維新收回永為浮梁倉收租管業應將蓋印之白契塗銷毋庸換契補稅等因詳覆本年九月十一日奉

藩憲 批據詳浮梁邑倉前店房八間從前陳道之父浣修經理契買白契蓋印亦伊父經手今已身故事歷十餘年違例蓋印侵稅職名無從查察姑准免開契價銀二百

五十二兩照議解司克公倉前店屋均即交還浮邑收租
管業勒石倉前以垂永久餘如詳結案仍候檄行饒州府
轉飭知照繳

按鄉試公寓坐落新建縣章江門外二舖河街艮山坤向
西止官街東止官巷大門後門各釘門牌左止郭行右止
裘店計地橫直俱九丈零周圍砌牆計高二丈五尺現奉
斷管門旁左右店房各五間俱在禦火牆內街西望江樓
一座東止官街西止大河左止陳店右止劉店計橫一丈
六尺零現在左砌雙層石坡右砌下河石埠乾衝一條直
對館前周圍亦高砌禦火牆直二庇橫三庇中庇之外為
浮梁文武衙門公人下處凡四間前後有樓中庇內為浮

人便寓三間

條約館圖另載
公箱簿及石碑

續置省會試館乾隆四十五年閩邑首事士民人等因邑中人
文日盛一館不敷居住謹遵前議將舊館歷年店租生息
銀兩於南昌縣進內荆波宛在地方買得新建縣民人李
嗣鏡房屋一重價銀六百兩整印契存值年首事輪收
其屋東至自牆外地界南至荆波宛在牆界西至自牆外
官街界北至自牆外屋界

京都會館二所在北京正陽門外東河沿街背南面北其一在
右明永樂間邑人吏員金宗舜鼎建曰浮梁會館自門至
後堂凡三層東西皆有廂房為地深七丈一尺北濶三丈
二尺南濶五丈二尺強其一在左嘉靖時國子司業金達

增建至今謂之新會館其地深五丈六尺濶四丈一尺
嗣順治八年恩貢生鄭彩捐貲倡修

中華民國廿四年七月七日 收圖

抄

2808

